



同治辛未春重刊

古泉山館詩草

山陰萬同倫拜題

瞿刺史樹鎬與僑孫需次青門過從甚數稔知清國
尊甫木夫先生品望著述爲江左名士之冠然未得

一讀其遺詩也歲己未僑孫攝馮翊刺史攝華原相距數百里政相聞神相接忽一日馳書至並寄新刊木夫先生古泉山館詩集屬爲校字並乞序之僑孫始以不文辭繼思刺史與僑孫交厚而刺史之兄字叔珍者又與伯兄堯仙交厚且始以未讀先生詩

爲憾今得縱攬全集大慰饑渴曷敢固辭僑孫嘗思詩有六義皆以發抒性情後人音調輕脆詞旨繁縟

古泉山館詩集

序

往往失其性情之正而詩之流愈下詩之真愈失

木夫先生高才博學僅就末秩雖推重於當時大人長者卒未嘗有所干請故仕亦未顯今讀其詩盎然粹然天懷放曠蓋得乎陶靖節孟襄陽之遺則如所謂音調輕脆詞旨繁縟之病皆能振起而洗濯之謂非得性情之正者乎刺史以名父子牧小民小民善之所爲詩尤清雋名語奔赴腕下俸錢薄以之刊先人遺集不足先刊是集餘以俟諸異日此刺史來書所言吾知其有志竟成也陽湖呂僑孫謹序

瞿木夫祖姑丈先曾大父宮詹公壻也少從宮詹公
游宏覽旁稽勤懇懇以發明古學爲己任其論學
諸說時見於潛研堂書中海內咸知有先生其人矣
先生於學無所不通著書二十餘種經史金石各有
專書詩文有專集書工行隸直逼漢魏六朝碑刻文
字畫則花卉草蟲近白陽小竹諸家篆刻圖章結構
竒古片紙銖石爲士林寶貴古人謂分其才藝足了
十八先生有焉家世素封至先生而中落慮無以爲
一家計悉以遺業易貲循例爲湖南藩幕官權郡倅
古泉山館詩集

序

三

縣令者各一俸錢所入則以購經籍書畫周秦彝器
漢晉氏甄摩挲考訂孜孜忘倦所居有銅象書屋古
泉山館吉羊鑑室綠鏡軒富貴長樂之舫皆以所藏
名也先生於癸未歲歸田優游林下者二十年慶會
之生不及見曾大父又早年孤露凡先世遺聞佚事
學問原流得於先生者居多而知先生也較詳先生
生六子並承家學詩文書畫篆刻各擅其長其季字
京之於予行長而齒弱曾問業於予早有四方之志
由幕入官今刺史耀州卓然有政聲所造未有艾也

去年刻先生詩成以予侍先生久郵筒問序噫先生
爲才學兼贍之儒翰墨文章千秋同鑒非特誇美一
時已也奚待後生小子稱頌而始彰謹就少所聞見
於先生者述之以告世之讀先生書者

咸豐十年歲次庚申春正月既望錢慶曾謹識

古泉山館詩集

序

三

咸豐十年歲次庚申春正月既望錢慶曾謹識

徵求主卷並文以告世之讀先生書者

知曰也笑許翁坐水午醉隱而欲道韻錄也

徵求兼細文謝餘墨文章千燈同靈非特誇美一

征平修表主請魚以字爲表出入補尚問

古泉山館詩集總目

卷一

金間藁

卷二

金間藁

卷三

金間藁

卷一

練祁藁

古泉山館詩集

總目

卷一

楚游吟

卷二

楚游吟

卷三

楚游吟

卷一


歸田園居鈔

金昌藁卷一

一起嘉慶元年止八年

嘉定

瞿中



丙辰二月 茲親棄養倉卒之際畫工所圖遺像未能逼肖心甚痛焉逾月有鄉人仲君來訪仲君夙以傳神著名爰屬其為不孝寫一照乞友人陳君妙士為補椿庭讀禮圖自題四絕句於後

廿八年來駒隙過文章事業兩蹉跎板輿未遂閒居奉已恨終天泣蓼莪

金昌藁

卷一

一

諷闡色笑杳難親遺像匆匆寫未真母面大都子面似披圖一想一傷神

禮授高堂十七篇士喪士祭讀多年養生送死俱慙

減枉把遺經自切研

先妣易簣時不孝方就試婁東未及親視含歛

畫師繪我太翩翩我我相看轉自憐如此鬚眉猶不俗能將何事後來傳

和錢宮詹外舅七生辰元韻

七十年開九十春

是日立春

人生日恰降傳人

公以正月七日生

千秋業著名山富萬戶賞輸腹笥貧論到古今絲乙

乙居常和樂燕申申老梅首把東風占爭放尊前數
點勻

天上看花對省薇卅年回首景依稀漢宮疏傳名原
重魯殿靈光望獨歸老尙敏求心倍細壯能勇退遯
真肥林間消盡 承平福默運神思助化機

鐘鼎山林業不偏文章齒德總空前正心兼到程朱
地益壽還高李杜年

李杜俱未
至七十

攷石證金補史闕審

音辨字續經箋著書卽是長生訣不用談元與坐禪
絳帳風清苜蓿盤每因講授喜忘餐賈胡船集求書

金昌藁

卷一

二

急問字人驚學海難博物茂先褒

詔語

公綸音有
碩學淹通

之愛才永叔感孤寒東山一卧成高蹈難爲蒼生起
謝安

題臧在東茂才

鏞堂

自撰尊人行狀後

直可追三代誠能貫六經報知心自赤重義眼常青
信有終身誦施無德色形瀧岡傳一表千載仰儀型

輓亡友顧抱冲茂才

之達

蒼沮造字鬼夜哭酸辛憤鬱天門觸天帝聞聲動可
憐遂教造化爲顛覆書之所在鬼必隨聚而不散禍

常伏不遭水火與兵燹卽遣其人貧病蹙慨自羸秦
燔滅餘漢魏以下干戈逐漂沒焚燒悉數難紛紛卷
帙罹荼毒自後私家偶貯藏變故橫生多慘酷卽如
近代有虞山絳雲一炬無遺牘毛家斧季病且貧當
去珊瑚買蓑服嗟嗟顧君好讀書百萬牙籤皆玉軸
宋刊元印與明鈔插架堆牀娛心目一握書論一斛
珠購來手自三薰沐黃金散盡爲收書祕本時時出
老屋君家從古多傳人玉篇卅卷今猶讀最後甯人
無不闕等身撰述登天祿當日徵求海內書介山

金昌藁

卷一

三

擬把書堂築今君有志事易成惜乎天不從人欲蒲
柳無端衰早秋蕙蘭雖好萎空谷哀哉弱息洎孀妻
終日號咷對書籠惟君生逢太平時聚書有力費
頗足什襲珍藏愛護周水火無緣侵韞檀羣鬼啾啾
無奈何陰交二豎爲心腹膏肓上下不可攻家有秦
和命難續至寶旣得命可輕瞑目甘心去不復地下
修文事渺茫人間從此傷埋玉令弟風流歎阿兄
里遺書謹守藏家塾徧乞名公作傳銘一紙和淚重
編錄抱沖著有我記去年訪君時讀書堆抱沖齋名
一紙錄小讀書堆

裏披心曲重約觀書願屢違聞君疾作私常祝誰知
再見已難期此願今生無了局

次袁綬階上舍

廷禱

移住楓橋故居原韻

塵市無心更結廬烏衣重認舊時居家鄰古寺疑皈

佛門對名山好著書儼與妻孥俱託隱

有圃名漁隱故云

何

妨兄弟盡呼漁

令兄別號漁洲

祇嫌此後圖良覲累我頻牽

齧鯨車

北郭聯吟記昔游

己丑歲諸名公宴集圃中賦詩凡十人

盤谿釣叟此

潛蚪

本王盤谿故居

東西舊住機雲侶大小今爲咸籍流月

金昌藁

卷一

四

落詩成唐格律竹深人在晉陽秋裔承六俊鍾風雅

萬卷書藏五硯樓

綬階家藏先世五硯因顏其樓

營成百尺傲陳登風繞芸編香滿勝筆下艷才花四

季牕前生意稻千陸草堂合訪名賢畫

君家先世有謝湖草堂圖

楓火遙迎書幌鐙共羨清容老居士看山鎮日曲闌

凭

汝南高卧日遲遲應有懷人感舊詞顧氏書堆空悵

望

謂亡友抱冲

惠家紅豆最相思

惠半農先生家有紅豆因以名齋

推袁

今日傾羣雅宗鄭他年溯老師

綬階師事宮詹外舅

好共黃山

謝湖事

黃山亦袁氏草堂名

後先輝映契襟期

謝蘇潭方伯啟昆

於浙藩署中搨土得晉永平

輒八賦詩紀事并以八輒顏其書舫次韻寄

呈

典午遺文甌輒側色映甘泉漢瓦碧似隸非隸筆何

神摩挲不厭書三滅東山碩望重當代旬宣兩澗政

多惠公庭辨氣發土膏渾同劍出豐城地我吳古甌

各抱殘叢譚往往傳衣冠太始得震澤乾隆間吳中居

民於太湖旁掘得保母至今藏樂安保母輒藏破山

金昌藁

卷一

五

招提小搨餘一片尙認寶應初嚴二酉於真山破山寺中得廢輒側有寶

應二字定近復搖側宮巷塔亦有嘉祐隆興書宮巷

爲唐物塔搖之能動事載七修類藁乾隆壬子塔圯居人拾

得石函一輒二有嘉祐隆興間施舍人題字今歸予家蘇杭名郡皆秀出七十二峯多石室望公開府八

騶來中吳金石編他日林屋徧搨磨厓字包山林屋洞多宋人

題經幢重補樂圃志唐石幢之在包山者四光福者二龍興寺者一又有後周顯德

石幢在虎邱楞伽山井橫山碑皆隋時物萬索千搜

或來備洛都墨刻先蘭亭劉韜楊紹任城銘矧此飯

甌更完好不異搏埴新出硎晉輒宋鑊兩妙蹟紫蔽

堂前忽合璧八軼排列書舫中壓倒米家一卷石

蘇詩 八月十一日宮詹外舅王西泚光祿鳴盛段懋

禁日堂明府玉裁江良庭徵君聲潘榕皋農部奕

蔣立厓司馬業晉諸公同集袁綬階漁隱

小圃卽席分得支韻集蘭亭敘八十字

清氣亭外至娛情當及時同坐靜春室袁氏之先當元時有號靜

春先生者相與感故知咸領山水趣不與老大悲風林向

嘗咏少長今又隨陳迹一俯仰快意無若斯作者有

遷固謂在坐諸先生樂豈在竹絲敘集極其盛游覽暢所爲

金昌藁 卷一 六

日暮人已倦猶將後會期

嘗贈太子太保兩湖制府畢秋颿先生沅輓詞

台星衣落楚江濱朝野羣嗟失重臣保障封疆心似

佛運籌帷帷策如神平淮未覩垂韓筆占夢先驚在

鄭辰一代科名兼汗馬與公並駕更何人

揮毫詞館墨華濃才子聲名動九重綸閣久依清

禁月蓬山直上最高峰建牙開府留遺愛絕徼荒陬

顛折衝不獨文章第一手甲兵百萬早羅胸

八州假節統雄軍談笑從容靖楚氛緩帶輕裘羊叔

子先憂後樂范希文滔滔漢水長流惠屹屹衡山遠
勒勛食少事繁心力悴五谿深處黯愁雲
鳳池麟閣兩垂名 帝眷優隆曠代榮方儼戰袍親
手解先綢 賜藥傳車行宮銜 錫命崇阿保都尉
庸庸卜世卿如此豐功如此福冰壺表裏總澄清
著述能令勲業侔博通四部溯源流形聲百變心能
悟亥豕千秋手自讎傳後信今追許鄭吉金貞石集
洪歐古來將相才林立若个文壇姓氏留

愛才羣仰趙平原吐哺渾忘八座尊四海蒼生瞻謝

金昌藁

卷一

七

聖一時名士造膺門巨區萬頃原難涸廣厦千間詎
足論今後孤寒更誰託枉將淚洒峴山墩
綠野堂開花木滋斗山在望恨生遲卅年未識荊州
面一札空酬文簡知顧我葭親叨雨潤過公華屋益
心悲慙無鴻筆稱功德東取生芻侑一卮

洞庭東山過鈕匪石布衣 樹玉 齋賦贈

高士東山卧潛修慕玉吾 俞玉吾隱居洞庭山 素琴彈古調 匪石

藏有宣和古琴 石室讀竒書久分投膠漆今方造屋廬便邀

搜勝蹟皮陸比何如

月夜偕金丈岑齋宜遠鈕大匪石袁二綬階錢

二嚮田東臺周君鑿漁編入林屋洞

暮止靈祐觀結伴搜洞天褫衣復脫帽銜燭且脅肩
初入同覆釜凹凸圍頂顛稍進偃僂行頭項漸曲卷
迤邐十丈餘壓背皆平田膝屈但扶服籛條龜鼉然
倏覩一室做玉柱金庭全窈窕兼玲瓏厥狀竒萬千
石乳大小錯突兀從空懸其色白逾雪其形橢而圓
或似鐘有舞撞之音洪宣或如鼓無皮伐之聲蕭蕭
有琴若百衲潤澤能張絃有牀若七寶疑爲左神眠

金昌藁

卷一

八

視矍蹈坎窞泥滯腳底填碧沼想約略石髓仍湧泉
穴竇極逼仄九曲容蟻穿肌肥非予患跼踖艱轉旋
眈眈黑氣散壁白垂龍涎狡兔出我胯服翼掠我顛
隔凡亂指點嚙啗不敢前安得彼丈人授我書一編
忽念此福地遠與五嶽連我非徐武功一到已夙緣
况未齋心來愁受麻姑鞭急遵舊路走互將衣裾牽
踉蹌逐微隙汗背同熬煎心蕩力隨竭足眠手又腓
列坐洞口喘各各相慰憐欠伸一仰視明月猶娟娟

附錄和作

鈕樹玉

宿昔慕竒勝僅如管窺天何幸茲一旦得隨羣賢
肩靈洞闢太古莫能溯其顛豁衍豁四達培塿藏
一卷瀛壖山脈盡始結爲瓊田余家近咫尺嚮往
終茫然中夜忽鼓興亟欲收其全魚貫凡六人乍
入艱萬千逼仄逾百步有石如鐘縣燭之色雪白
叩之音清圓古樂駭俗耳霾蒞久不宜何能起牙
曠合奏聲齧齧曾聞瀟湘神善鼓靈和絃於此儻
感發定驚蛟龍眠少愒更深索略開忽又填窘如
坐井底幸無旁漏泉良久得爽塏瓊瓏非雕穿雲

金昌藁

卷一

九

烟互繚繞積氣相周旋垂者盡石乳溼處疑龍涎
目泣汗流背心動赤發顙同行力俱疲余止亦不
前古傳神仙術層疊羅簡編靈威杳難覩禹書空
流連道家語虛無釋氏談因緣雖異聖人教要爲
多欲鞭嗟余本頑鈍早被塵網牽旣非薰膏質曷
爲生燒煎形神覺醮頓手足方胼胼一笑竟難解
內顧徒自憐歸來記山阿雲羅紛娟娟

包山寺

古刹橫山麓松林一徑通寺門方丈遠

山門去寺里許石幢

法書工有會昌僧契元書石幢卽朱竹垞謂書法秀麗在顏柳之間者僧合居慈受鐘曾鑄大同仙壇知已近何處訪毛公

兩宿神景宮

小住元都叩洞門渾疑身已入桃源西山有地名桃花源名稱

細證天禧牒詳予訪刻記營建遙思角里孫檜樹絲垂風

自竊殿廊環繞迹空存雖然一宿輸皮子到此終歸

有道根皮襲美有三宿神景宮詩

返棹東山賦別匪石綬階

十年夢想探林屋今日纔游莫恨遲爲我指南呼鈕

金昌藁

卷一

琇由他賈舅笑袁絲綬階留住東山尙欲登莫釐峰頂故戲之山川過眼

增新咏風雨連牀話舊時同宿神景宮夜雨安得移家如夙

願逍遙笠澤傲天隨予與綬階久已授意匪石爲結廬洞庭之約

附錄和作

鈕樹玉

游山未盡登臨興歸去何爲不少遲梅樹依邨齊

發萼柳條遮岸欲垂絲最憐浩月澄波夜漫惜聯

吟返權時它日莫釐能踐約與君晨夕好相隨

袁廷禱

山水多情能盡興歸來每自比人遲勾留此地登

峰頂贏得清詞綴色絲卅里荷香宜夏日千巖晴
雪好春時結廬果愜同心願擬備奚奴橐筆隨

洞庭雜咏 三十首

山居多說土風淳雞犬桑麻好結隣一姓同邨千百

葉昏姻彷彿古朱陳

真柑密橘滿林霜佳果年年次第嘗兩浙三山品不

少古來只數洞庭香

本草云橘非洞庭不香

依岳結舍面臨湖絕大魚蝦弗用沽但得入徽時裏

白秋風不羨四腮鱸

太湖白魚俗謂之時裏白詳震澤編

金昌藁

卷一

十一

碧螺春色似蘭芽不亞西山吃摘茶卻怪世人多耳

食祇將龍井雨前誇

碧螺春茶產東山吃摘茶產西山

塢住元和楊鍊師而今尼復擅濃姿可能翦髮同龍

女不嫁人間濯錦兒

楊鍊師塢因唐時有女冠於此求仙得名

丹竈修真果有靈沃焦三日失皮形肉多氣少人通

病底事成僊獨蔡經

漢蔡經學僊于東山今有蔡僊鄉

莫釐峰下雨花臺精舍三間不染埃笑我游山太匆

促真如走馬看花來

是日策騎登山

赤勛將軍踞翠峰禪師說法井潛龍香山曾有笙歌

何欲覓遺詩碧蘚封

蘇州奇事算芙蓉六月曾無一朵紅試向龍頭山下

望重臺卅里漾湖中唐子畏詩蘇州三樣希奇事六月荷花二十四今吳俗六月廿四日荷花蕩看荷是也然久爲水沒根葉幾盡虛應故事而已

五湖舊說溯虞翻范蠡乘舟證可援載得西施看到

老嗤他市上一錢論

波濤三萬六千頃兩點青螺水面浮想到麻姑搔癢

背桑田滄海使人愁

撼天湧地碧琉瓈搖動扁舟路欲迷若使琅琊神女

金昌藁

在坐蘆履水自東西琅琊王女事詳吳郡志

長圻西出捷如梭頃刻浮來大小鼉二山一樣湖中名

風景異歸時有浪去無波

曾記髫年四渡江河行三日看奔瀧巨區咫尺今方

到數徧東南藪少雙少年侍親宦游江北曾四渡京口江行黃河中三晝夜

怪石瓊瓏山水心品題甲乙徧鑄陰奇章相業今何

在不及頑然片鬱林鬱林石巖而抽今在府學

良嶽營成採貢勤宣和賜爵紀殊勲石雖盤固都尋

失零落西園一瑞雲吳莊謝始山詩註云朱勔採謝姑頂峰入沐置御園良嶽明季

董尚書份購歸南潯其婿徐某乞之移置閭門外之西園名曰瑞雲峰今園廢而石猶在

綠萼紅苞滿翠嵐西山景物我親諳吳趨士女春游

慣但解梅花鄧尉探

縹緲峰高別衆山白雲裊裊水潺潺來游雪夜霜天

裏不欲舟停消夏灣

若非塢港卽洲磯湖鴨菱雞味總肥一自聖姑驚絕

後至今無復雉朝飛

相傳西山無雉

林屋行來月上初洞天直叩左神居銀房石室身親

到只欠靈威三卷書

是夜乘月入林屋洞

金昌藁

卷一

三

四皓當時隱穴巖南山那有此空嵌想因羽翼功成

後結伴閑來訪隔凡

山有四皓遺蹟

銀簡朱文舊事徵龍潭投去卽雲興年來望雨思祈

請誰是貞元麴信陵

麴信陵宅在包山

杜蘭香降舞腰纖絕妙新詩信口占豈有神僊宵下

嫁尙愁貌寢怕人嫌

杜蘭香贈張碩詩末有嫌我與禍會之句

上清宮觀隔塵囂曾住僊人周隱遙信宿喜多稽阮

侶不煩皮陸遠相招

同游七人兩宿神景宮

陽谷盤旋石路坳洞中止許白雲巢我來爲訪題名

字冒雨衝寒手自鈔

陽谷洞窄不能進石壁多宋人題名

無礙尙書早養高園居道隱息游敖白頭學士重來

此卻比先生意興豪

官詹外舅兩度來游

遠上包山扶杖行會昌石幢認分明天公要助游山

興欲雨還留半日晴

包山寺有石幢四皆唐會昌年間刻

萬仞雲梯一線看石公靈秀可盤桓買山營墅邀明

月羨殺當年楊子寬

宋楊傑作別墅於明月灣

慈航大士鑿空厓只見雲歸霧不羶可是沈香浮水

至迎來洞裏巧安排

歸雲洞中鑿大士像西小湖寺有沉香觀音唐時浮水至者多

金昌藁

卷一

志

著靈異亦見吳郡志

此來好比大游僊月夜同登第九天一事讓它朱秀

水不曾領略到尻船

竹垞有太湖尻船詩

題費在軒業師上璣窺園圖次宮詹外舅韻

門牆雖峻我曾窺親見先生輯九師絕似深甯能困

學三家拾徧舊遺詩

先生輯九家易說以費孟京三家爲主

漢易專宗箕改莩小園繁露正滋培傳家縱有專門

學卻喜兼長誦玉杯

玉杯篇有六藝兼長語

閉戶研經作大儒嗤他元亮歎園蕪畫圖自遜膠西

相果許人常見面無

五銖泉硯山

卽山鑄錢肇古昔千秋委地凝黝碧解脫鑪錘幻化
工瓊瓏巧奪湖中石高低曲折藕心通蟻鼻雙絲鶯
眼隻巖壑重重萬選青此中疑有君平宅峰同卓筆
孔又方呼兄呼丈吾誰適洞如鸞口科斗潛時見五
銖露點畫溯自初行漢武年下訖隋高辨色白中更
蜀魏宋梁陳對文雙柱紛形迹男女角稚俗亂呼字
更增加助直百今觀此錢悉二文時代難分與歎惜

金昌藁

卷一

五

塵埋土蝕質曼胡孰是形傳孰赤仄輪郭參差大小
殺徑圓空度盧虬尺索朽已盡餘貫形莫辨省錢與
足陌要之總在唐以前奚必深求費攷核嗟予自幼
嗜古錢不遺餘力搜幽僻頭會箕歛二十年蕭愚子
和有同癖竭來獲此驚喜并黃金虛牝拚一擲購來
什襲亟寶藏燕石由它啻周客寶晉名齋效米顛
所居室爲古泉山館案頭錢忽如山積直堪壓倒富家翁說與
寒酸羨嘖嘖

題湯雪樵布衣

文傳

五十畫像

小學功深籀篆精，斯冰以後數先生。休公妙句親題

寫不待鐫碑付夢英。

夢英十八體篆書
惠休詩碑在西安

磊落心情瀟灑胸，詞華樸學兩能工。鄉邦三百年文

獻都在便便腹筒中。

富貴徒誇豈丈夫，科名不取乃真儒。蒼茫獨立風流

古絕似東坡笠屐圖。

不慕榮華去服官，古心古貌古衣冠。他年畫像傳桑

梓，要共唐婁程李看。

四先生像邑人互相勾摹

和玉雪海茂才。

有香

竹刻小像原韻

金昌藁

卷一

十六

傳神不藉虎頭筆，寸鐵勾摹肖異常。剖竹別開生面

目，此君真箇是空王。

刻鵠由來笑失真，雕蟲小技漫誇神。盤根如此須眉

古，要算先生作備人。

一隻松齡白髮簪，芒屨竹杖立沈吟。如何要與夫人

配，銷盡平生鐵石心。

原唱有思量要配竹夫人之句

守株默坐燕居溫，簡素看來老眼昏。手種篔簹千萬

箇，平安日日報兒孫。

憑誰摩弄已忘嗔，此是金剛不壞身。若便呼他木居士

士向君求福豈無人

皮形解脫總空談彌勒何妨與共龕骨肉全然無我
相位身只欠一茅菴

以杖叩其脛

得其字戲效尤
西堂太史作

故人夷俟失容儀舉杖聊將脛叩之未暇收威須夏
楚何勞鞭背警狂癡及門雖喜鐘鳴應老友知難朴
教施它日情深猶助椀聞歌狸首枉凄其

鳴鼓而攻之

得攻字

不容求廁我徒中鳴鼓因教小子攻闕里三千看肅

金昌藁

卷一

十七

肅杏壇咫尺聽逢逢門牆峻絕軍營壯射御嫻來步
伐工此日指揮如逐寇羣瞻馬首是西東

糞土之牆

得牆字

欲施勦聖歎無方取譬真如糞土牆漫說及肩窺仔
細徒勞正面立徬徨循來深恐塗泥辱望去先知磊
出藏環堵雖然儒者分頽垣同棄總堪傷

山梁雌雉

得雌字

說性山行想孔師欣看雉止在梁時徒勞夜雉思求
牡不復朝飛類守雌飲啄居然能適意羽毛未可用

爲儀雞冠一共隨三嗅從此高翔舉色斯

戈小蓮上舍襄招集范邨別墅紅酣亭賞牡丹

卽席分韻得子字

我昨歸婁東倉皇息行李有友折簡招期我水之淡
朝泛一葉舟飄飄去塵市同行兩三人湖洞十餘里
青山對面來白雲當門起穹然馬鬣封寂寞松楸裏
旁構辟疆園亭館圍迤邐睽彼灼灼華含葩復吐藥
玉樓春十分香艷逾黃紫名流集軒廊俛仰樂無已
主人啟長筵列坐序箇齒不學李進賢雙鬢列紈綺

金昌藁

卷一

六

不愛張無功絲竹徒亂耳唯煎興平酥雅勝差堪比
酒闌日西沉傳寫膠東紙分題賦新詩緣情而綺靡
良游值暮春故事追上已矧此臨石湖風浴儼沂水
蘭亭敘永和樂只歌君子名花歲歲開盛會長爾爾

扇上萱花爲黃蕘圃孝廉丕烈題

堂北失萱枝空餘扇枕思與君同此恨相對不勝悲

三十生辰感賦

去年來歲月更平頭三十壯心驚縣弧門左猶今
日拜母堂前已隔生有志未酬聊說命無籌可展浪

求名此身疣贅真堪笑底事親朋尙舉觥

何必談元更坐禪能忘煩惱卽神僊讀書方歎人生
短處世惟憂俗累牽好事多磨愁易老盛名難副敢
爭先升沈畢竟天公主豈爲南華秋水篇

自題鸞鳴求友圖和宮詹外舅韻

平生知己最關情千里迢迢應有聲幽谷年年垂翅
度春來猶自踏枝鳴

六月八日招同鉏匪石泛小舟入城訪得宋元

橋梁題字廿餘種以詩紀之

金昌藁

卷一

九

六月八日日正長吳炯朝發城之陞相於擊楫歌滄
浪萬家煙火窺金閭高門洞啟象角亢紅闌掩映如
虹藏駕空跨水紛縱橫摩肩擊轂連康莊河橋始作
溯秦強史記秦本紀莊襄王五十年始作河橋立石鐫文漢濫觴萬安

有記書蔡襄傳揚珍貴同琳琅姑蘇自古多輿梁三

百九十歌于唐厥名曾向圖經詳白香山詩紅闌三百九十橋朱伯原

謂其名見詳符圖經韓公模勒標其旁中吳紀聞云每橋刻銘于旁始于郡守韓公子

文距今世遠感滄桑亞博壘石猶相望宋元題刻未

盡亡空嵌縣鑿蒙風霜摩挲審諦古色香大書深刻

清而朗急呼吾友錄硬黃遺文要補盧與王

石刻多
盧王請

志所
未載

嗟予夙昔慕歐陽搜羅金石形神傷去年林屋

叩銀房隆冬踏雪登高岡際此伏日復裏糧圖按平

江細較量
府學有平江圖碑橋
名悉載係南宋時刻

索隱探幽興太狂渾

忘世態多炎涼平生所願此刻償躊躇四顧心徜徉

剔蘚捫苔樂未央女牆日落歸蒼茫

道

和許默癡茂才

蔭堂

自愛圖原韻

守身如玉惜華年愛好真殊世俗緣爲有癡情人未
識一生默默自相憐

金昌藁

卷一

三

一人幻作兩人身異想天開妙入神我我相看圖畫
裏狂奴故態總如新

並頭連理本同栽忽漫花分對面開知我心腸唯有

我相親相近十年來

偶爾歡容偶爾嗔鏡中影與夢中身同心畢竟原同
面我亦何須愛別人

匪石以同訪橋刻詩見贈次韻

扁舟徧訪古橋梁良友招同話日長慢擬神僊如李
郭聊爲歐趙續遺亡裏糧觸熱憑嘲笑蘚蝕塵埋費

瑞詳可惜當時都太僕不曾搜得載琳琅

壽段茂堂大令

玉裁

封翁九十生辰五十韻

盛世徵人瑞名儒享大年誕逢七夕後嘏祝百齡先
裔胄高賢衍軒裳異代聯三明才譽顯一詔將威宣
江左門楣赫朱方族望繇清芬能世守上壽是家傳
早歲游庠序深情託簡編文章歸爾雅理法得真詮
直接瑯琊派

翁師王罕階

窮探伊洛淵吐詞爲典則立品

在山巔應具生來福都緣付自天精神龍馬健須髮

雪霜鮮不用支筇步唯隨抱甕眠蟻牀聽細語蠅楷

金昌藁

卷一

三

寫長篇王渙真龐安愚公卽地仙方瞳猶似電輕骨
已如煙旣樂非凡壽還欣有後賢青雲鵬運起紫綬
鴈行牽惠政流黔郡廉名振蜀川泮宮沾化雨講舍
躍祥鱣轅伏原齊齒馮顏合比肩雙枝相競秀四鳳
遞高騫漫羨簪纓曜且多撰述專六經嘗默誦七略
盡沉研文字通今古聲音補傳箋仲溫思軋軋成式
腹便便攷據心縣鏡評論筆架椽明珠生老蚌美玉
產藍田令子爭跨竈諸孫快著鞭書聲騰白屋舊德
繼青甌競秀芝蘭茂衝寒松栢堅一庭花韡韡五葉

度翩翩偶爾乘游興爰來託市廛萍蹤分水影鴻爪
逗塵緣要續僑吳集聊移書畫船離鄉疑鶴化出谷
訝鶯遷池館修廊繞園亭曲徑穿安閒娛杖履笑傲
寄林泉賤子蒙傾蓋常時謁老禪登堂頻晉接問字
每流連拜紀誠何幸瞻韓豈偶然僂姿看數數雅意
服拳拳佳節宜高會芳辰啟壽筵金風珠露滴銀漢
鵲橋填嶽降當秋孟弧縣照月弦秩初增九十桃正
熟三千膝下斑衣舞門前駟馬闌新詩歌進酒巨棗
獻加邊共慶耆英健咸疑造物偏康甯與富壽五福

金昌藁

卷一

三

一身全

匪石自山中以詩寄贈綬階紅蕙一盆云此花

從觀濤閣中分出猶是徐健庵尙書修一統

志時攜來物也綬階繪圖索題因書五絕句

清芬絕似素心蘭空谷長懷一片丹不是尋常紅紫

隊漫山徧地許人看

瓦盆香土遠分來曾向觀濤閣下開好比辛夷紅滿

樹平泉花記衛公栽

東山雅稱鉅公居然燭修書列廣輿紅杏風流儼小

宋見花如見老尙書

良友多情爲乞鄰奇花從此有雙身千秋陸范同芳躡妙句封題寄遠人

名花名士兩無雙同臭同心對碧窗入室定然超百卉春蘭秋菊一齊降

題王易圃教授

元勳

笠屐圖

古今圖書集成

嚶城耆宿彭城師衣冠古雅須眉奇丹竈蒲團證夙因蛇神牛鬼矜新詞六葉科名數鄉邑卅年游宦詩成集歸來散步朝川閒脫卻儒冠戴野笠先生想是

金昌藁

卷一

三

瀛洲僊偶然小謫來人間訖今行年開八秩能攜屐齒登高山在家出家已日久杖藜被褐超塵垢困學依然一老儒著書共仰深甯叟平生蹤跡似東坡放鶴亭邊一再過笠展圖中見真意狂吟高唱青邱歌

錢小廬茂才

釋

方葺五代史補注繪校史圖屬

題因賦三絕句

魯魚燕兔誤彫刊讀史先愁校史難何況五家與十

國紛紛割據屬偏安

薛史煩蕪歐史簡徐君作注太無聊笑他三異才情

短校正全書只四條

元本汲古閣刻有曾三異校正四條在第一卷中

著書閉戶羨錢郎金石搜羅補闕亡它日思谿傳刻

本定知精博過吳王

謂吳廷珍纂誤王元之闕文

題錢同人茂才侗策蹇訪碑圖四首

莫嫌金石費搜羅逸事遺文此最多應有僊真長守
護豈因風雨盡銷磨岐陽尙見宣王鼓曲阜猶留莘
子戈一字傳來數千載象犀珠玉比如何

仲文弱冠學兼通嗜古探音興不窮父子淵源傳兩
漢弟兄著述比三洪齊刀舜布胸中滿籀字邕書腕

金昌藁

卷一

五

底工更以訪碑作餘事騎驢得得自西東

雙肩高聳四蹠輕彷彿尋梅踏雪行入寺便搜齊造
像見山還覓宋題名歐公千卷藏家富趙子三篇游
記精如此少年更勤學定應先我著書成

頻年我亦苦心求臨水登山每滯留陽谷三冬摩峭
壁虹梁六月訪扁舟探幽慣結楊章侶篝火曾邀嵇

阮儔今日披圖一神往桐川走馬憶前游

乙卯歲游廣德策騎

登祠山訪得北宋
鍊人腰間文字

經年未得黃小松司馬

易

音問有懷口占兼訊

何夢華上舍

元錫

芳訊迢迢一載餘雲停月落每愁予因思黃霸勞魂

夢更想何休問起居聞何夢華舊疾復作違寄浮沈原可慮絕

交疑信豈無書如何屢遇南歸客不見相思託鯉魚

得小松書兼寄正始弩機欵識及中平帳構文

以詩報之

一幅華箋五色鮮焚香盥讀小春天弩機監作模題

識弩機文有監作帳構中平認紀年洪氏蓬萊知滿

閣小松重摹喜平石經及諸漢碑以小蓬萊顏其閣米家書畫想盈船來書云搜

金昌夢

卷一

五

碑之外廣集書畫扇面裝表成冊已得三百餘種尚孳孳不能息也何時剪燭西窗下

共證新添金石篇

男樹鎬校字

金昌藁卷二

嘉定 瞿中溶

聞廬學士抱經先生 文昭 歸道山感賦

晨星聽說賈龍城 公歿於毘陵舟次先是掌教毘陵著書名龍城札記 深悔從

前未識荆待制共推真學士讀書猶似老諸生千年

魚豕驅除盡萬卷丹黃校錄精想為修文須地下玉

樓故爾促公行

哭光祿王西泚先生 鳴盛

七子才名異域知 沈宗伯選刻七子詩海外爭購 羣推光祿最能詩

金昌藁

卷二

一

說書直定千秋案 公著尚書後案刊行海內 論史多祛萬古疑 公論

史書名十 七史商榷和似春風常繞座教同化雨不移時如何

太歲剛居已喪我鄉邦一老師

魚添輓袁簡齋太史 枚

才子聲名八十年人間樂事享來全早登科第誇歸

娶久刻詩文競賣錢海內公卿咸嘖嘖門前桃李盡

翩翩告存乞輓頻添句今日真看上九天 日者謂公某年當厄

公先期作詩徧乞生輓後其說不驗公又作告存詩

金昌 嘜城道中與袁綬階戈小蓮方臺山茂才 變 話

別翼日風阻九里橋有感

良友一宵別孤舟九里橋風高聲吼樹水急浪噴潮
道路行多阻功名志易銷由來才命薄磨折歎無憀

謝蘇潭方伯題予椿庭讀禮圖卷次韻荅謝

讀公書後想儀型

丙辰歲錢宮端外舅以公所著西魏書見貽讀之始有識荆之願

悵隔修門未執經文可傳人漢司馬老猶嗜學宋深

甯旬宣兩浙甘棠茂撰述千秋汗竹青我比春來池

上草喜邀吟賞傍芝庭

為有淵源上溯翁

公出閣學覃鏐先生之門

驚人佳句律調宮詩

金昌藁

卷二

二

編詠古才誇左

公詠史詩久已刊布

甄辨遺文劒獲豐

公于藩署掘得

晉甄有

詩紀事補魏史承家學遠

公家先代吳武陵太守及晉祠部郎皆撰後漢書今

已續經攷出異書同

公輯小學攷以續竹垞

翁經義攷已付剞劂

深慙謫

陋思窺測欲罷徒嗟力已窮

附原作

無違喪祭奉先型世守高堂一卷經尙憶九熊心

盡瘁敢忘訓鯉語丁甯春回愛日靈椿健淚灑秋

風孝竹青感我終天長抱恨百年喬木舊階庭

玉潤丰神似婦翁

君為錢竹汀學士婿

儻然環堵守儒宮坐

穿木榻頭猶黑啖盡藜羹骨不豐鄭氏遺經資攷
異史家載籍賴參同余作史籍攷君多有籤處哀哀七字思親
作補入南陔慕未窮

海甯盧澄谿明經典來吳得晤賦贈

五年不見盧全面丰采依然似昔時詩學香山隨意
作畫真公廣可人思澄谿詩絕類長慶集尤工於畫鴨嶙峋品格心

如石汗漫江湖鬢已絲今日西窗重話舊煩君多買
好胭脂

正月二十日偕鈕匪石戈小蓮同訪袁綬階出

金昌藁

卷二

三

其太夫人竹柏樓圖屬題得長句一首

予生廿八痛失母茲過三十鮮朋儔吳門一識袁孝
子水乳膠漆情偏投孝子何好好讀書讀書之外無
它求晷時與予道衷曲往往涕泗交橫流自言我生
蚤失怙但記依母居高樓到今母已棄我去樓前竹
柏空脩脩我母音容雖闕寂我母苦節圖長留寫之
尺幅傳海內名公題詠如雲稠異日圖歸與君看君
須爲我書緣由屠維協洽孟陬月煙波朝泛輕於鷗
紅蕙山房良友集大闕寶藏同探幽思翁諭帖最奇

妙文沈翰墨如龍虬葺庵遺象胥臺扎清芬世澤光

疑眸是日壽階出所藏董香光論管家胡賢帖

及衡山石田赤牘先世葺庵公象胥臺父子家

信示 最後手捧一篋出含淚問予猶記不予聞斯言

急發篋展卷一尺風颼颼肅然起敬瞻母儀柏心竹

節真相侔惜予筆拙言不文譬如小鳥鳴啁啾爲感

知己相屬意閉門大把枯腸搜幸哉母與子慈孝兩

千秋曹妻章母已足傳何況湘君血淚共姜舟

正月廿五日袁綬階招同鈕匪石戈小蓮鄧尉

探梅遇雪夜宿袁氏丙舍翼日徧游諸山回

金昌藁 卷二 四

至光福聯句四十韻

風緊暮雲寒 廷禱梅花尙未殘 春魂迷鄧尉樹玉雪

意趁袁安山近香先送襄嵐昏眼欲瞞漫尋清淺水

中溶早過兩三灘舟傍西嶮住廷禱朋邀北郭歡彌

天飛玉屑樹玉市樹擁銀盤驟奪瑤枝素襄疑浮月

影團撲襟輕舞蝶中溶入手薄裁紉永宅依巖麓廷

禱冰心結峭巒剡谿遲返權樹玉馬駕香雪海在馬駕山頂且

停葦丙舍閒宵潔襄庚牌樂事殫圍鑪杯泛白中溶

醉酒頰流丹錯落陳蔬果廷禱謹呼出肺肝劇談忘

寤寐樹玉冷夢寄噴阮谷靜聞鐘朗襄情幽覺地寬
曉窗聽細細中溶高閣望曼曼繞屋羣峰失延檣洶

胸萬慮刊展愁野徑曲樹玉與度石橋難目眩途逾

滑襄林深葉不乾共巡檐下笑中溶斜向竹間看一

色渾無辨延檣千株競若攢茫茫同海闊樹玉森森

接波漫淡映湖如鏡襄芳凝氣勝蘭樓石萬峯樓臺萬峯超

列岫中溶澗壑激迴湍古柏在司徒廟虬龍怒延檣蒼厓

虎豹蟠僧寮容小憩樹玉茶嶼彈山一名茶山縱奇觀洗霧

雙潭潭東潭西淨襄回颿百丈搏名期鑄翠壁相約刻題名於萬峯

金昌藁 卷二 五

臺中溶句就脫金丸騰嘯臺在西磧空縈抱延檣還元閣在

聖恩寺中更倚欄振衣凌浩蕩樹玉決背極濛濛縹緲包

明青萬裏漁洋山對還元閣巨碧瀾荒墳傳典午郁泰中

溶華表記秋官徐健庵司寇瑩寂寞禪宮廢光福寺已傾圮延檣峻

增梵搶完斷碑搜瓦礫樹玉妙相寺中有康定年掘得銅觀音像禮

旃檀躡躡穿郵市襄摩挲認井幹寺前石井闌題字已漫漶似南宋時

物虹梁懷訪刻去夏偕鈕大訪吳城橋刻中溶煙澈想垂竿夕照

催歸鳥延檣孤颿轉岌峘盍簪憐臭味樹玉嗜好別

鹹酸璀璨光仍積襄登臨與漸闌城南追絕唱中溶

希孟復希韓廷檜

司徒廟中古柏四株有清奇古怪之目分韻各

賦五古十二韻拈得怪字

柏樹生高山立身本難敗况彼棟梁材託此清靜界
後彫原有心駭俗甯忘戒其如日月深漸覺形容怪
伏地訝卧龍垂條疑倒薤陳根僵屋屍枯榦脫鱗介
飄象見卽逃金剛同不壞三友歲寒偕四皓商山邁
秦松比榮封白檜爭嘉詔我爲探梅來入廟驚歎喟
未具賦柏才但效對石拜雖起張文通雙管無從畫
金昌藁

卷二

六

茶山

昔我邑李長蘅先生登此望湖中六浮山
意欲建閣於其上以六浮名之未果後爲
張上舍士
俊買得

巖石瓏瓏對碧波慎娛居士長蘅居
士自號此曾過六浮有

意標奇勝一閣無緣寄嘯歌美景共來探鄧尉好山

留待與清河裴回亭畔情難去其奈梅花招我何

萬峯臺 在石樓上

踏雪尋來入翠微石樓深處石臺巍坐看三萬六千

頃山向東西南北圍颿影空濛歸落日花香隱約上

春衣狂歌長嘯聲傳谷便欲排雲叩玉扉

香雪海

萬花齊放暗香浮
大海中央寄一漚
我與老梅爭瘦影
天將真雪助清游
可人自勝漫山李
極目如登近水樓
看徧東西潭日暮
吟魂歸夢兩悠悠

元墓

尋春還上古佳城
巒影波光照眼明
好雪到堆米更

皎潔真山似假山
越精瑩郁君畢竟成疑冢
郁泰元墓姑蘇人以意立碑於此

冢墓記未定所在後
袁墓都緣改姓名
明初陳允宗聖恩寺記碑

引紹興間葉和甫墓志作
袁墓蓋宋人避諱改也
一樣青山埋白骨
虎邱那

金昌藁

卷二

七

有此香清

還元閣
王阮亭先生於此望漁洋山恩寺別墅因以自號今閣中懸其小像

還元結構勢凌虛
緬想前賢興有餘
眼望漁洋原浩

渺神行圖畫尙躊躇
名山竟被詩人占
高閣還宜隱

土居
閣榜乃徐俟齋先生書故云
我到苦吟成四韻
輸他沈宋兩

尙書
閣中刻宋商邱沈文懋和阮亭詩各六首

光福寺

浮圖高聳白雲邊
紺宇琳宮半化烟
銅像猶存元祐

記
寺中銅觀音像係宋康定間掘土得之詳見黃公頤記
石幢可辨大中年
前

有唐尊勝陀羅經幢二一為大中五年五月建一
為大中六年十二月建石多漫漶不見書人姓名祇
愁重建無文瓚崔鵬記謂寺咸通中僧文瓚等重建也且喜留題有樂
天香山有留題僧文瓚等重建也舊刻壘牆殘毀盡手摩目審一凄然
光福寺七律

次盧丈澄溪自壽詩韻

荒齋聚首已三旬茲日欣逢覽揆辰白髮青山今感

昔春風化雨舊如新澄溪嘗課予諸從弟千秋翰墨無窮壽兩

世期頤有夙因澄溪尚有伯叔俱已年過九表花甲周來剛一紀新

詩為我豁愁襟

弔無錫大令姚公學甲感賦

金昌藁

卷二

八

廿載江南美政多公著有美政錄忽隨龍馭返星河親叨

練水甘棠蔭忍聽西神薤露歌賓館紛紜人似織是日

適有大吏過皇華館前大夫畢集琴堂寂寞烏堪羅受恩最是傷心

處乙卯冬縣試蒙公拔取第一一拜靈前涕泗沱

惠山襍咏六首

春風一櫂去蘇州便作梁谿竟日遊正值王喬仙去

後山光水色盡含愁謂明府姚公

九龍寺古石幢高經刻陀羅姓氏標冷笑山僧賤文

字將軍遺矢任周遭寺前有兩石幢皆刻尊勝陀羅尼經西幢為乾符三年李瑞符

書其在東者四面爲人
溺所汗不能近前審辨

聽松石上細摩挲南宋題名字擘窠今我獨來還獨

去暢遊強似挈家過殿前樹下有
大石側刻聽松二
篆字并左行正書
跋十餘行曼

漣不能辨面刻大行書三行惟首云嘉熙己
亥及末攜家過此與詳待行十餘字可讀

茶烹鴻漸品姪妍只許中冷占此先我學盧仝嘗一

椀果然味勝第三泉陸羽茶經品天下名泉以金山
中冷爲第一惠山爲第二虎邱

爲第
三

羅漢流清龍眼甘羅漢龍眼
皆其泉名載泉逸興憶袁安昨歲
袁壽

階來此載泉繪
圖索同人題詠臨行僅挽顏瓢去祇恐西神誚我貪

金昌藁

卷二

九

眼看梵塔插屣屣回想前搜光福碑光福亦
有浮圖不料新

年纔二月兩番攜屐恰同期正月廿五日作鄧尉之
游今月廿五日又到此

鈕君匪石以太康軼見贈賦長句酬謝

具區澤藪標東南中分湖五通江三自從神禹垂底

定支流巨細長渟洞四面峯圍七十二泉紛沓沃皆

會至一朝古物要呈奇萬頃洪波忽消漸時在乾隆

乙巳年羣驚滄海爲桑田魚龍失水人得寶有軼出

土分書鐫傳聞乃是大康字予想一睹心如醉求之

不得亦便休十年空寄相思意莫釐山人裔鈕弢弱

冠喜結忘年交身通六藝筆千古著書說字手數鈔

匪石著說文新附攷已三易藁矣少孤迫以計然術寓公到處情偏

逸僑吳與我近望衡談詩論古無虛日昨為客寄承

和文何夢華寄予永和甄文昨從匪石處遞到知我好此言慙勸家有大

康尚無恙詰朝歸取持贈君遂理輕裝掛馱席扁舟

過返陶朱宅風雨淹旬乍見晴欣然奉到千金璧甄

質溫潤形橢長以晉前尺細較量縱徑尺四橫七寸

博有一寸九分彊其文在側隸含篆八年七月無諠

舛十七日下口天全行末作字猶能辨文云大康八年七月十七

金昌藁 卷二 十

日吳口口作吳下大康紀年始晉時厥後同者遼洪

二字似是其人名契丹道宗亦以大以文以地互攷核定為典午可

無疑武帝建元首泰始咸甯七禩改號此爾時方得

平孫吳侯封歸命歲庚子揚州尚存三代名刺史實

維周武成郡統十八吳在內下隸縣邑十七城不知

誰家起甲第造此瓴甌供牆砌却歷兵燹煨燼餘隨

流漂入重淵瘞粵稽作甄祖胡曹舜起河濱虞尚陶

周官旌人職搏埴甌釋博雅紡傳毛甄甄見廣雅紡甄見毛傳盤

洲老人輯隸續兩漢入甄俱出蜀萬歲千秋劉氏盧浦

筆詳姜白石品保母七美屬保母文今浙中碩彥勤

搜羅墓旁井底多咸和乾隆初於潛縣人掘得咸和

有咸和八年永有和永和陈氏藏平興永平永興皆謝

馮氏并甄嘉嘉嘉甄浙學使類大通天監紛傳訛龍濕

掘得嘉嘉嘉甄浙學使類大通天監紛傳訛龍濕

得甄於安樂山之陽審其文曰天監八年五月今江

爲趙晉齋所得晉齋更定其文爲大通五年八月江

南咸康貯句曲句容張氏藏成康四年甄子蜀師亦

見平山足張芑堂所藏蜀師甄聞揚州近年萬歲呈

祁岡我邑外岡鎮前歲掘得萬歲二篆字甄破山寶

應爭芳躅嚴寶仁于虞山破山寺拾富備莫如何與

金昌葉嚴寶仁于虞山破山寺拾富備莫如何與

張夢華芑堂收古甄小松得大業

輒於寸紙椎拓常遠寄此皆吾友親收藏其中真贋

原襍出世間尤物甯多匹諸家雖亦有大康與此卻

殊年月日夢華有大康元年甄某氏有何使君大康

壽如斯甄真大椿千五百八十七春大康八年七月

四年西晉金石存已鈔一銘一表猶其倫偃師有大

釜銘汲縣有大康當日不準發魏冢竹簡古文咸尊

奉發安釐王家得周書掘石刻乃大以今視昔事略

同吉光片羽宜貴重運甓我媿陶公賢花甄空羨瀛

洲仙匹夫懷璧非所樂殘甌斷碣情留連前年購得

隆興刻隆興二年甄出自宮巷軼塔中蚤起摩挲至日稷此甄今又

意外來不禁狂吟忘寢食我聞鑿得故城中文穆以

一貽洪公范至能在蜀得一鑿二以其一贈洪景伯東吳文學賦竹垞

寶鼎遺自昭明宮康熙初吳民於小雁嶺掘得大吳寶鼎二年甄二顧秀才肇敏得之

以一甄贈竹垞竹垞定又聞大康瓦券獲天池以畫

為孫皓起昭明宮作萬歷元年會稽掘得大康五年瓦券柳元穀

與柳易持以易徐文長手繪事載集中其券今尚在

童氏山陰一彼一此兩足當愛妾換馬原非惜感君高誼

勝古人胸懷不受纖毫塵拋甄引玉諺有語欲報慙

金昌藁

卷二

乏瓊瑤珍欣賞奇文歎久晦蘭亭落水遙足配人間

湖澗比河清天遣至寶來相對要知遇合終有緣或

得或失非偶然不然與君交已久何至今日纔贈甄

黃蕘圃丕烈得宋刻千金方三十卷作詩紀事

索同人題和限韻得孫字而避押本書真人

姓

本草神農著醫方扁鵲論千金新顯迹十卷舊殘痕

原刻闕去六至時本以千宋刻源流在真人面目存金翼方屢

入失其真矣惟無療貧藥一飯感王孫

蕘圃復以續賦三首索和因用前四韻旋押衍

成荅之

開國遙遙肖猶留朱訃痕

卷首有柴陽開國世裔鄭氏家藏圖書

翼方

從此別寶要不須存

千金寶要即從千金方摘錄者

直可追公武

此書

惟晁氏讀書志有之

微嫌補少孫

關十卷後人以明刻補足

定名聲價重應

與命同論

淮南子云千金之子坐不垂堂

我昧岐黃術醫書少貯存

字知譌日及

郭景純爾雅注日及誤白

及見宋史田敏傳外舅竹汀先生云抱朴子白芨料大椿亦即日及之誤

藥不辨王孫

黃耆一名王孫

成注闕原刻

記前歲於卧龍街書坊中見成無已注傷寒論似金元舊刻聞

金昌藁

卷二

三

後亦歸蕘圃矣

劉方聽細論

近蕘圃以舊鈔劉涓子鬼遺方示予并論此書的是也是翁家

藏本新詩雖盡讀未認補瘡痕

予向未見全書詩中所述皆据原唱約畧知之

兼有籛金貴宜遺好子孫新春矜勗獲

此本近來藏書家並未著

錄

舊雨快重論循例諧邨韻

原唱定用老杜明妃詩例如邨昏魂存皆取字

音諧者為韻

題詩紀爪痕

蕘圃擬將所得宋板書活人書各賦詩紀之肇端於此

得所定與石長存

偃師有石刻醫方尚是六朝時物

戊午十二月望日蕘圃得宋刻高誘注戰國策

是日蕘圃借鮑綠陰廷博袁綬階同集鈕匪

石寓樓匪石作詩紀之索同人題和因次匪

石韻

士禮居中客

堯圃得儀禮宋板注疏各一本因以士禮居顏其齋

同登文選樓

奇書欣得賞老蠹見應愁兩蚌

毛斧季出售書目有印宋

鈔高注戰國策跋云其中如今日不兩明日不兩與蚌字為韻今本皆誤兩為雨

雙籤合舊

收堯圃舊於京邸得牙籤一對上鐫宋板戰國策

消寒宜雅集是日大寒竹素趁

思游

堯圃咏宋刻咸淳臨安志得杭字用前例因次

其韻

宋槧誠夫得曾傳道古堂

杭堇浦集諸家原盡闕竹垞得胡毛二

金昌藁

卷二

十四

家宋本止八十卷吳尺鳧合鈔馬朱兩本亦闕七卷

舊本已多亡潛君高此志以周彥廣書

為藍本今彥廣書僅存三卷

今見長蘆物

君謂此本即竹垞所藏物曩披坦腹

牀七年前於外舅齋中讀張冲之手鈔此書多六十五六十六兩卷乃盧抱經學士據吳槎客所藏宋

本補入

笑君猶望蜀一葦更將杭

堯圃尚欲訪吳槎客本

題何夢華虎邱春泛圖

七里烟波帶虎邱嬉春人爰盪舟游白楊岸上逢何

妥惹得吳孃指不休

六橋春色最堪娛卻怪君而小住蘇一樣隄名白刺

史風流畢竟讓西湖

卅年南北寄游蹤秦漢遺文滿篋中今日倦歸餘興
在浙西搜徧又吳東

夢華方佐阮芸臺司
農編輯浙西金石志

一篙春水漲胥江乘興探竒泛畫艫便擬與君同倚

權重尋壽聖訪梁幢

葉九來碑曰葉石君金石文隨
錄皆載半塘壽聖寺龍德二年

佛頂尊勝加句靈驗陀
羅尼幢予求之未得也

戲題雪裏鍾馗

未登甲第恨難平死共神荼度索行耗鬼銷除聊脫
劍依然映雪一書生

除夕纔占歸妹期春來又見雪飛時應憐咏絮才華

金昌藁

卷二

十五

去獨坐風前有所思

爲顧少愚題琵琶行圖

誰寫潯陽載酒圖荻花楓葉景模糊不知萬喚千呼
下肯抱琵琶相見無

都感尊前往事非青衫紅粉各歔歔如何千古英雄
淚多爲尋常見女揮

洋鵑花

當年血淚灑蠶叢底事花開到海東化鳥豈隨精衛
去稱名未許石榴通燕支色艷三秋菊爛熳光爭十

月楓洋菊洋楓與一自芳魂歸異域滿山躑躅不堪

紅

壽鈕匪石四十生辰

人生上壽止百歲惟有立言萬古傳今君行年方四十
篋中早著書哀然仲夏逢君覽揆日我滯吳淞練
水邊登堂未與捧觴列剡曲且遲訪戴船昨來聚首
伯通里示我一冊新詩篇其中多是友朋句爲君稱
祝情留連惟我與君最契合尋常頌語口不宣四十
初度未足壽壽君謨述堪千年

金昌藁

卷二

七

近得王與公咸

爲毛子晉所畫汲古閣圖上有

五古一首因次其韻

虞山有書閣可望不可躋鷺溪尺幅絹珍逾鄴中綈
褻潢重什襲擬乞羣賢題更惜畫師名志乘無從稽
琳琅散已久巍基沒荒畦惟餘與公畫猶照太乙藜
斯閣傳斯圖壽與天一齊

沈狎鷗茂才

培

以鮑女守貞略迹見示索題詠

次鈕匪石韻

女子能守節每爲情不衰否則識大義壹齊難改移

嗟嗟東陽婢未婚先別離別離爲夫鬻落魄無聚期
之子抱堅節誓死心靡虧卅年甘苦獨卑棲長怡怡
但以爲婢樂而忘寡女悲種種出至性主人皆深知
古今試俛仰守貞如此希

題同邑徐虹坡先生四時行樂圖

浮生歎駒隙行樂須及時立言垂不朽此樂人罕知
四時三百六十日莫史朝經如蛾術羸得胸羅萬卷
餘白髮青燈勤誤述嚶城有叟徐仙民掩闕息影郭
澤濱自幼不喜餽釘學熟讀乙部今無倫六朝疆域

金昌藁

卷二

七

費攷核牙錯瓜分屢改易卅年面壁苦研搜指掌成
圖溯沿革

先生著有六朝輿地表

去來示我行樂圖裝成巨卷

牛腰麤四時景物畢備具雲烟揮灑多鴻儒我披此
圖見真樂濠梁蒙叟知有託藏山事業久已成不受

風塵名利縛老事丹鉛園不窺編蒲緝柳形忘疲人
閒樂事終有限著書傳後無盡期慙予質陋好強記
抱殘守闕頗同志金石宅時艸藁成擬造元亭問輿
地

何夢華以白綾帳簷索陳曼生明經

鴻壽

畫曼

生爲作水墨天香國色菊秀蘭芳二圖因題
三絕句

一寫南田一白陽墨花更比艸花香
遂教頃刻羣芳吐要鬪文章萬丈光

清才濃福兩相當洗盡鉛華一樣妝
等是天公開謝物兼收雅俗也何妨

好同繡被覆何郎花底通宵香夢長
莫漫將身化蝴蝶飛來飛去學蒙莊

蘆花和陸達夫韻

金昌藁

卷二

六

千紅萬紫盡凋殘寂寞蘆花映碧灘
一葉孤舟愁日暮數聲旅鴈叫天寒
淒淒白露依稀認颯颯秋風歷亂看
最是懷人凝望處遡洄無計恨漫漫

鷺毛輕捲白紛紛漫擬庭經換右軍
烏夜邨連凝曉霧黃花節近鬢寒雲
何緣慣結閑鷗侶是處都逢野鶴羣
惆悵平沙吹漠漠亂堆木葉影難分

花到開時景已秋一叢深鎖舊芳洲
素心空抱葵傾日白髮頻看雪滿頭
風雨催殘驚逝水江湖飄泊怯征裘
笑他香色俱空寂尙逐紅塵舞不休

不將濃艷鬥鮮妍冷淡生涯祇自憐衰艸荒烟迷古
渡清風明月撲寒氈蕭條柳絮絮長隄畔零落萍蹤曲
水邊爭似吾鄉吉貝好三冬擁被足安眠

八月九日生得一子沈笑山茂才字謂宜賦詩

紀之因成四章徧索同人題和

三十生男已歎遲友人索我洗兒詩賢愚今日從何
辨貴賤它年未可知但望易成農有歲還因難得貨
居竒同懷好似雙枯樹纔借東風發一枝伯兄尙
未有子

心計非關本大粗事緣子足語全虛徒誇有女堪當

金昌藁

卷二

十九

盜

予連舉
五女矣

未必生兒愛讀書見客聊將駢角比聞嗚

也學黑王呼朝來聽說徵蘭夢曾記親攜百八珠是夕

內子夢手攜朝珠
一掛覺而腹痛

漫勞賓客戴蔥過從古聰明自誤多賀老莫嫌名爪
子歐家卻喜喚僧哥哺烏心切薪能負舐犢情如水
不波我願但求灾悔少公卿何敢望東坡

一經世授仰前賢面壁長思讀十年責子詩嗟猶失
學示兒書媿未成編弄麀且漫嗤人誤跨竈方憂出
我先爲報親朋休索餅案頭只有硯山錢予嘗得五
銖錢硯山

因以古泉
山館名齋

題陶鳧香上舍

梁

蘇臺郤扇圖

圖係小松
司馬作

襍被歸來霜雪天
胥臺聽唱小游仙
不知漢世房中樂
又補南邨錄幾篇

才子從今讓掃眉
都緣徐淑解吟詩

夫人望出東
海工韻語

宅

年香茗傳梨棗可附秦嘉贈婦詞

好卜徵蘭夢早春
滕前通子試唬新
留賓轉眼稱賢

母認是圖中執扇人

經年黃九音書斷
今日披圖喜欲狂
郤笑風流老彌

金昌藁

卷二

三

甚替人作畫為催妝

方春之太守

維祺

來游予家網師園
艸艸款留

賦此贈之

荒園喜見高軒過
頑石枯枝與有榮
荀令香飄花欲

笑謝公屐到艸爭
迎祇慙市遠虛兼
味更惜秋深臙

落英擬續吾家舊
嘉話留題佳句乞
先生

吾家先世
居上沙宋

時有園秀州守方秋厓曾留
題壁閒見陶南邨輟耕錄

為曼生題奚鐵生

岡

畫竹次嶺首郭頻伽

磨韻

一枝直節欲干雲
知是清甯巷裏分

鐵生所居
巷名清甯

睹此

猗猗心已醉教人何日可忘君

題方春之觀我圖

聖賢戒慎獨形外端誠中以人觀我已足畏何況我
我相形容先生讀書悟至理如潭月印含虛冲昔年
瀟湘布惠政飲水坐嘯多清風飄然解組載廉石來
聽寒山半夜鐘卜宅聊師鑑湖隱僑吳集續熒陽公
喜昨荒園識韓面恍睹秋水開芙蓉珠璣歎唾驚四
座典酣落筆傾詩筒公卽席賦七律一章繼從蕃榻見全豹昨
曼生寓齋讀公悟桃詩集梅花百詠烏山工寸幅圖名曰觀我不
留人相爲牢籠愛我憎我自我我如非我情何鍾
他日此身看復出推心置腹功無窮道家喜清靜釋
氏談虛空惟有儒理易事事驗當躬我身雖化千萬
億此心此理終相同

春之太守以卽席口占送曼生歸杭作見示依

韻疇之

爲傾風雅暫攀留漫把名公車轄投地有賢賓方免

俗座多和氣漸忘秋烹茶竟爾當尊酒太守不飲酒故原唱有酒

弗沾唇對餐菊居然作燕羞更聽驪駒歌一曲暮烟

寒月使人愁

九月十三日蕘圃招集樂志堂卽席分賦得生

字

重陽過五日風雨轉滿城為赴清嘉坊名會不憚塗泥

行主人今毛晉客多吳會英相對今舊雨漸覺春風

生酒闌逸興作繞座吟哦聲小窳繪圖畫陳曼生為寫蕘圃賞

圖一一傳幽情良朋得歡讌富貴如雲輕獨恨重門

隔聞柝心懸旌

即外輓江良庭徵君

金昌蕘

卷二

三

昭代通經士江南大布衣四朝聞見洽獨行古今稀

書闕梅傳偽君著有尙書集注音疏言參鄭學微何期 殊寵

遇遽爾掩斜暉徵君近始應孝廉方正之舉

非石自山中分得紅蕙一益贈壽階又移牡丹

數本贈蕘圃各有詩紀事予既為壽階寫紅

蕙照并別寫一幅贈贈花主人矣比蕘圃又

以牡丹詩卷屬予補圖因用前例別寫牡丹

一幅再贈非石并題二絕句

昔隱空山裏今居金谷中春來張繡幄妒殺蕙秋紅

國色天生就塗脂總失真況兼此異種貽自素心人
顧南雅茂才蒨以日本舊刻合類節用集大全

一書見贈以詩謝之

異書來異域忽喜友朋貽賴有君高義能成我好竒

來書以予好竒故以此書爲贈開函迷譯語插架媿儒資予藏舊日本長崎島

語音及金尼閣所撰西儒耳目資諸書皆世所希有卻笑長蘆叟吾妻鏡僅窺

十月朔日集孫蔚堂茂才衡齋分題秋林清話

圖拈得話字歸途口占絕句二首自謂頗得

真趣卽以爲分韻詩也可

金昌藁

卷二

三

近來學得養生訣只喜清談不讀書猶恐蟊螭常誤

食閒翻爾雅寫蟲魚

偶偕游侶訪典公便爾言歡斗室中人對秋容交更

淡畫圖漫訝墨花濃是日爲蔚堂寫墨菊一幅

非石見絕句謂蔚堂意在分韻不可負之因續

賦五古得話字

結宅依南園良朋常聚話我昔晨夕過井闌惜破壞

庭後有開禧二年石井闌惜已破裂茲當陽月初風景真堪畫寒光淡

林亭秋水橫清派六法擅錢郎揮毫若風快頃刻繪

成圖

田圖爲嘍

累我添詩債忽見日西沈惴惴重門戒

紅霞望歸途狂奔歎甚憊

中途望見閨門外失火狂奔盡氣而歸

十月五日蕘圃招集紅某山館分得夜字

昨歸楓江舟今速清嘉駕

初三日訪壽階昨日始歸

屈指未三旬

兩度蒙君迓小春天晴和清風繞臺榭秋色映紅椒

不逐凡花謝古樸靜忘年龍鍾如老罷撫景重裴回

身心與俱化座客有陳思八斗才傾瀉含毫爲作圖

雋妙咸驚訝

時曼生爲作紅某古樸二圖爲對

羣賢賦新篇一時添

醞藉從茲詩會紛豨壇樹吳下六俊企汝南

謂壽階無

金昌藁

卷二

三

雙遡江夏寥寥天壤間竒書插滿架未見我正多欲

讀苦無暇安得魯陽戈轉日長不夜

程君印香十年前繪有小像秦梧園爲補春柳

數株茲復倩友人頰上添毫屬題

君是靈和殿裏姿依依終始耐人思吟成佳句髭拈

斷更覺風流勝昔時

十月十一日袁綬階招陳曼生鈕非石顧千里

茂才

廣圻

戈小蓮同集五硯樓下賞菊曼生

爲繪五色菊卷各題詩其上予得絕句二首

六逸居然傲昔賢
黃花香晚舞當筵
須知隱士多文采
能占人間五色鮮

一般紅紫鬥芳妍
漫恨相逢十月天
賴有此花能引興
連宵達旦話纏綿

曼生爲非石對月寫天祝一幅因題二詩

嘉卉來天竺
珊瑚照眼新年年
霜雪裏相伴白頭人
賴有小窠陳能傳月下
神好攜莫釐去
含笑獻萱親
和洞庭山尤樸園瞻園落成原韻

痛深風木恨交馳
七字吟成妙色絲
好似偉元多至

金昌藁

卷二

五

性哀哀誦到蓼莪時

已誓終身託慕廬
牛眠隙地闢新居
白雲瞻斷音容

杳空羨王祥獻鯉魚

寢食相依儼事存
幽棲不復戀高軒
春霜秋露悲難已
況看松楸日夜翻

縹緲峯前水接天
遂初堂就好留連
一編書目知無恙
珍重傳家啟後賢

